

漑

堂

詩

集

澆堂續集卷之二

焦獲孫枝蔚豹人著

丁未五言古詩

王西樵司勳入客江都遙聞歸裝蕭然寄此詩

來時山茶紅歸日楊柳黃問君胡久留無乃戀名娼少
男多女地皓齒善述藏達官十常九樓下增徬徨腰纏
不暇惜買得雙鴛鴦那能賦美人那及嫁王昌公然笑
吾輩一錢留空囊往還向誰家閒卽詣僧房詩待碧紗
籠不救飢俄腸如何坐終日名姓題兩廊遠遊亦有道
何況在淮揚結交諸富兒不可恃文章明月樓已廢無
人愛子昂司勳寂寞人歸去仍輕裝何時重命駕延頸

登高岡還語後來客車騎貴卿煌巷莫近曹憲友莫取
顏方

留別季希韓同令兄洽輩侍御

不著千狐腋便跨千金鞍此樂何足道最憶心所歡老
作廣陵客半歲別江干南烹愛魚蝦西饌列脯肝困坐
蹇驢背腰腳失輕安上黨天下脊望遠路漫漫對此重
離別亟歸臘已殘婦臥牛衣中淚不爲汝彈兒恐復却
去興不爲汝闌念我故人面秉燭須細看故人喜我至
談深酒屢寒我愛獸炭紅頓忘勦力殫博雅侍御公邀
過同盤餐謂言吾弟宅雖無杜位寬與君同守歲勿負
良會難請看雌雄劍既含誰不嘆留客無奇策何以免

疲單

董京詩何爲栖
猶自使疲單

但願泥滑滑后土無寸乾

王幼華曰
曲折轉出

布被青行纒雖濕亦易乾忽憶諸生語冬煖兒號寒長
鬚似有言如何忘夜闌倦臥屏風旁意頗不自安凍手
拆猶可凍腳踏路難累渠亦已甚吾豈鐵作肝買車從
其願穩於馬鞵鞍此時主與僕頓爾異悲歡不念歌舞
筵嬌艷勝長干所重金玉昆意氣天下看裘須千丈長
屢須萬間寬齷齪世上兒母乃相識彈夜讀燈青熒寧
使錦衾單那能堆斛粟慮爲鼠所殘吾當效元亮卜宅
共眠餐復愧垂老曰智慧久已殫萬事不遂意徒然發
浩嘆歸途亦咫尺回首成渺漫

爲吳賓賢題行路圖

瓶中米無幾煩君出門去妻子待君歸同立垂釣處似
聞向維揚嶺頭梅正香借問往來人或恐知其詳荅云
遇一叟行吟道路旁似是林和靖復類孟襄陽梅花滿
驢背未可充飢腸充腸雖不可無花俗煞我只愁天氣
煖綻盡枝頭朶

除夕和東坡韻三首

餽歲

一歲忽已周五辛貴相佐久逃世間責筋力與財貨

王

華曰妙甚

但爲豐年喜十日雪片大劍咏聲何高使來

王

吾方臥

王幼華曰一向轉極其痛也同心得注郝

訓江長玉舟羞識

陳驚坐憐我口中物惟出臼與磨朱提兼綠酒受惠亦已過因憶東坡詩有唱可無和

別歲

歲月如行客無處可栖遲尊叟未能留夸父焉能追
川雖不歸東海亦有涯歲獨忍長別忘我少年時
王勃
感憤不盡心中三日惡忽使面失肥兒童解相笑老翁
何所悲舊去新復至祖餞何多辭聽此益傷懷豈獨慮
身衰

守歲

異鄉初買宅事同添足蛇弟兄不在眼雲樹苦相遮
屠酥先少者離居將奈何守歲共阿咸亦覺笑語譁病身

須強坐樓鼓忽再擲堂中紫焰燭無風吹汝斜譬如太
平人少壯免蹉跎可憐白髮翁難同紅燭誇

除夕懷五兄大宗次東坡韻

有序

今歲赴屯留省家兄大宗見邑中園囿空虛心甚喜
之欲作詩稱述其美因循未就歸揚州遇除夕偶閱
東坡詩與意有合因次其韻

新歲人所重作客惱淹留況聞園囿中唧裏有衆囚放
還既不可對泣亦堪羞將勸學古賢欲語且復休因此
念吾兄善爲子孫謀獄室虛無人雖壞不須修

王幼華曰總是無窮感慨藉此
發之單作慣兄看則失之矣

丁未七言古詩

題蘓母績課圖兼呈令子而荅

韋逞精周官乃繇宣文君樵採兼紡績晝夜何辛勤
陶侃有賢母亦以絲枲聞孝廉增太息而雪正雰零此事
每從畫中看今晨看畫頗相似桂香滿戶竹滿窻膝下
兒稱天下士問兒所讀是何書有用應須經與史景伯
何難通九經范滂終當作吾子策名早晚向長安長安
道上驚且嘆母因文伯身親績帝爲蘓公而賜冠可憐
勤儉從來慣他時機杼安能畢善果雖然位方岳崔氏
何曾效安逸

移居懷遠坊喜與汪叔定季角愛閣相近

舊宅曾依董相祠新居亦近蕃釐觀郭門外卽廣陵溝

取水烹茶日始旦終南招客客不歸青山笑我性遲緩
開徑但須如蔣詡登樓何必哀王粲霧堂老人昔同遊
廬雖咫尺主已換李岸翁舊宅傍臣故交回首隔風塵
少年對面欺衰懦高軒那少寓公過輕裘未是腐儒伴
入世不宜老且貧閉戶懶應呼與喚汪生衡宇幸相望
急須往就忘梳盥陸機兄弟若友朋陶潛隣舍勝里閭
日持此事誇向人更引諸兒樓下看爲指上頭讀書客
下酒尋嘗惟史漢汝曹非農復非商胡不辛勤守几案
少當努力壯成名無效白頭苦嗟嘆

丁未五言律詩

雨夜同鐵應商季希韓李三友王子晉集季滄華

侍御齋中明日予歸廣陵各分韻別因盡和之
予得鶯字

久坐藏書屋全忘作客情春風寒帶雨園竹夜聞聲酒
爲離人滿詩先野老成移居歸日事種樹待黃鶯

和應商賢字

此遊良不惡樂事及春天老向酒杯裏來當燈火前元
後十日諸友無
夜不邀者烟火窮途百計拙知己萬人俱有子關懷抱

陶潛亦大賢

和希韓魚字

明朝歸便得無處借奇書客半衣狐貉吾嘗慙蠹魚結
茅成小築剪韭卽嘉蔬興到能相訪休嫌識字疎

和滄葦爲字

隔日登筵少終宵出戶遲
每防僮僕怪今與主人辭
老態公然減歡場無不爲
平生留戀地竹木揔堪思

和三友鄉字

賓客從來滿羣賢吾敢忘
雨聲憑不絕春夜苦難長
貧負傳經子愁憎却老方
休言歸路好米卽是家鄉

和子晉神字

客行忘歲月欲雪恐非春
花氣香寒夜泥途淨去塵
到家談昨日相送得詩人
聚散寧無定翻須聽鬼神

送汪舟次遊廬山兼寄施尚白少叅

萬事吾輸爾風塵多苦顏
經年看閉戶遠別爲尋山
場

翼青雲上題名白石間千秋論得失高興邈難攀

正續成名後廬山結構新古來天下士半作此中人婚

嫁情難已飄零趣轉真過溪聞虎嘯莫悔往來頻

何路逢知己施公待往還榻留徐孺子堂印白香山茵

舊尋僧寺

買休東林寺詩白菴花三四枝

茱萸送客灣相思不相見

煩爾道衰顏

留汝應非計看人伴去船窮途交最密老日興徒然家

寄蕪城裏身行湓口邊倚間早寬慰何含漫流連

爲周盛際耳聾作

醫藥無妙藥何以慰離羣縱有杜康酒難論李白文商

歌空自激霹靂幾會聞多笑翻堪憫淒然對夕暝

賦得東渚雨今足呈潞安司理李吉六

有序

司理公下車後分題試各邑士之能詩者余適在家
兄署中欣聞體恤屬吏及惠愛農民之意正圖形諸
歌詠因見命題輒不揣荒陋勉作二律附邑士之末
并書呈教非故疾之逢鰕蟹如春風之發庚鳩耳
此屋歡呼異甘霖潤澤寬何曾藉雪禱聞最恤凋殘南
畝屯雲散西成計日看催科原不慮蠹職是行官
聞說插秧畢雲霓望不虛客心猶可喜作令更何如
日出農過嶺泉流鴈滿渠難忘霖雨惠恰值下車初

竹

以下兩首蕭青令太守藏書四幅屬題

俗物紛吾眼看君意獨超曾逢晉賢賞不待主人邀
耿

水成淇澳吟風卽舜韶何須渭川上千畝論豐饒

蘭

幽草常堪佩馨香衆不如當門應有忌處谷復誰嗒俗
易輕芳杜交多化鮑魚爲商勿爲賜日與善人居

葵

太陽恩最溥照物本無遺都有向榮喜難言反側宜傾
心惟愛汝衛足况堪師可奈浮雲過長安不見時

菜

蔬食有真樂兼愁費萬錢種須求老圃味足重佳筵雨
露新滋潤公卿舊棄捐民間無此色卽擬太平年

萬開來憲副招飲園林留贈

上黨天寒早，閨深竟不知。綠陰仍茂密，錦色自紛披。謝
傳身閒處，陳遵客醉時。更聞歌管急，行樂總忘疲。

把酒臨高臺，浮雲首共回。玉侯俱已矣，烟月獨悠哉。暫
袖經綸手，彌高著作才。香山垂老日，歌妓許追陪。

花有東籬色，樽無北海憂。錦筵明鶴髮，陰磴想貂裘。醉
裏歸心緩，吟邊別恨收。非公能汎愛，身久畏淹留。時余將歸

殘席

節孝婦李氏 有序

內兄石崇極字雲上，久爲諸生，以貧病死。有老母年
七十餘矣，繼室李氏亦儒家子也。年尚少，頗有姿聞
者，爭托媒氏求之。石族人或勸母曰：「得婦重聘，可養

生也李氏抱所生一孤泣誓老姑前曰吾家無應門三尺之童兩叔客遠方歲月已久未知歸省何時姑笑笑一身相依爲命者惟妾耳妾尚不敢卽死敢再嫁乎恃妾針指尚可爲活幸姑無慮赤貧誓畢婦哭姑亦哭媒叩頭謝罪去姑或入厠李氏必從之入其他事奉致敬盡禮又無論也余携婦久寓江都兒女旣多言歸不易况十年以來姻婭俱在此方婦每念母老且家貧輒淚數數下自問兄訃後悲感不勝近乃知其嫂氏節孝並篤稍自寬解余亦聞而深敬重之此不獨親戚之光也因作詩以備他日史氏採輯焉

黃鵠惟思舊青松不畏寒女中聞有此親戚爲長嘆只
道生兒好誰言得婦難厠踰瀚纖手石建可同看

發屯留留別家兄大宗

友愛情無極離筵潞酒紅早歸如倦鳥再會是衰翁我
覺江湖適若知井邑空戴家兄與弟憂樂不相同

包家集宿禱店

樹上鳴歸鳥門前臥倦螺主人強可喜盜賊勢如何燈
掛舊時壁街間寒夜鐸溫廬且休息險路已無多
抵家內子爲余置酒洗塵喜贈此詩

塵容惟更洗明鏡喜重臨鐸自非吾事務清見爾心燈
花開齒齒藥物煮人參遠勝黔婁婦床頭有剩金

屯留歸後始還懷遠坊宅價自幸有作

賒宅住兒童辭家五月中未栽花與竹聊蔽前兼風歸
約歲將晏去知囊不空還資今果遂吾幸過廬全盧詩買
里仁宅水竹且小有賣宅將還資舊業若不厚

丁未七言律詩

送李武曾之雲中

相逢意氣本無難卓絕文詞後代看名士誰令長在路
壯年何用勸加餐飛狐白馬行人少紫塞青陂落日寒
回首江南圖畫裏春風紅藥滿雕欄

看阿宜戲諸姊前有感

諸姊環床都可喜倍堪憐念爾生遲貧須料理充飢物

老兔經營遺嫁黃轅上繫羊無不可

用王敬弘
嫁女事

市中賣

大有何奇汝翁若得看親迎便是全家快意時

丁未五言絕句

署中鋪更作呈五兄大宗

它留宜六月朱李不須沉仍戀姜家被兼聞宓子琴

讀李長吉詩

舊蒲九節死桃花千遍紅可憐讀書客卿怨示巴童

已詠曹公妓復嘲秀才妾壓倒六朝人何論唐中葉

屯留聞鴈

寄書纔昨日聞鴈自今背避寒嶺早計先過廣陵橋

中秋憶閩人

潑盞初停後高樓獨上時月明圓似鏡只是少蛾斜
丁未七言絕句

題季端木小像

雨過芭蕉葉更長幽懷恥逐少年場
手中茗碗真清絕名士誰知水味香
泉石清閒俗所嗤衣靴何不踏京塵
看君門第兼風雅不比烏衣巷裏人

午日祭澤渡黃河

過客爭臨酒店門知逢佳節定傷魂
此身今在黃河岸江上憑誰吊屈原

九日對五兄憶存亡弟兄

衙居亦復有高樓參酒携來日潞州忽憶生離兼死別
黃花難上兩人頭

大風雪晚投村店

鳥跡人踪無一存艱難覓路到黃昏相逢正取村翁爰
如此寒天客打門

喜遇楊吉公三首

又發臨江數樹梅故人知道幾時來今朝雪嶽門前立
忽值君與去復回

吉公方尋余新居
不得余側與相值

無復花前舊酒狂形容憔悴髮蒼蒼長貧未作歸鄉計
快見鄉隣問故鄉

高義翻令起浩嘆誰于雪裏憶袁安湖州綿與湖州筆

吉公遺明
二物
明日抄書不畏寒

送吉公西歸二首

赤手曾分鮑叔金，低頭岐路但沉吟。
既無寶劍酬知己，何用平生一片心。
日短天寒路未賒，鞭梢忽指渭城霞。
細君笑坐明燈裏，節近元宵客抵家。

潘安仁

有序

記少時曾作潘黃門詩，人頗傳之。雖意有所諷，嘗自嫌其近于論史乖風人之趣。頃自遠道歸來，暇日偶繙晉書，不覺于潘有取，仍用人字韻。

四海長爲逆旅人，方知潘岳是賢臣。
至今芻秣成行處，

凝堂續集

卷之二

七

涼蔭溫廬淨少塵

王懷祖

有屈名家臨小縣終當足用散餘財誤人應是王懷祖
一去清名永不來

賔賢自號野人舟次自號恥人希韓戲予曰君詩
便可合刻當名三人集予笑而荅之

盧仝馬異句相當名字參差復不妨得號三人誠忝竊
會稽曾說有三康

孔鯨字敬康與同郡張茂字偉康丁
渾字世康齊名時謂會稽三康

孫安國

史才誰似孫安國別本先教外國傳自是關君門戶事
諸兒稽顙亦堪憐

自閏丁未一年詩有懷爾止

竟歲吟成百首詩才情半向道途衰相逢朋輩多姑息

不見溪南辛敬之

元好問云敬之集事而心通政以是

麻諸人之詩必爲之審音節清濁格律中不掩微類必指如老吏斷獄文峻綱密終是不用貸朋輩中

愚山曰余亦自此意不謂先生之同心也

戊申五言古詩

勝音上人持張廋山書見訪兼示與淮上諸子唱

和詩

謝客常晏坐觀心頗自如白足忽到門手持老友書首
敘行路難次言音信疎離情頓攪擾如雲點太虛終言
里中僧少年慧性殊滿袖惟詩卷唱和盡吾徒覽罷竊

有囑汝肯輕聽予我久被詩餓常自笑其愚花中愛簷
荷味中想醞醕因循在風塵愧悔成老儒况汝學道人
不受文字拘惠休詠碧雲徒自增躊躇以詩爲佛事道
宗其庶乎勸汝且置此衣內自有珠歸去語吾友努力
學農夫工詩多餓死後世爲歎歎

沈姬染疾變且憐之而形于篇

歲暮狂夫歸團圞苦不易爲君製紅袖以防佳節至相
如家壁立此物人不試今春稍粧飾亦覺可君意甫聞
笑語歡乍怪顏色異蚤起問無恙欲蒼復懶示不悟體
染疴只疑心多事春燈不得看呻吟臥翠被黃葉塢中
人十年昧嬉戲蹉跎花月里大受貧家累粗糲傷汝肌

風寒忍爲崇委頓忽若此能無暗垂淚把擬况無錢那
支藥物費呱呱繞床女祇知爭餅餌

汪舟次曰六朝
音節之風古者

春夜宴汪季月愛園分韻得辰字

廣陵二月半開花偏四隣博徒與酒豪意氣各自親西
京老狂客何處着此身口腹况劇饒食酪又思尊結交
得平原何如得汪遵已看酒甕清復訝食單新那能飯
脫粟只作公孫賓笑言何歡怡無非文雅人醉醒都不
限通編更誰論翻思天涯內相望若參辰一朝作兄弟
此豈非前因艱難成會面夜坐須及晨

和陶止酒詩韻東吳爾世

有片

子瞻在海南曾患痔因和陶止酒詩吾友吳爾世亦

患此病呻吟臥榻之上數月矣會晤頗艱作此柬之
屢月廢往來一病礙舉止本自風流人呻吟春光裏紅
桃已落花青梅將結子同坐無車公獨釣思侯喜心緒
爾知否搖如旌旆起當時海南人藥物誰料理惟吟止
酒詩便云能愛已我欲獻此方念君真苦矣不得着春
服詠歸江之渙可許榻前客高談及千祀

贈楊紱芷兼呈令弟蘭佩時紱芷六十初度

吾邑接谷口往來見涇水和望復相思里仁良爲美不
謂在客中時復教弟子家風萬石君謙謹庶可比家訓
顏之推雍穆乃如此應笑烏衣巷相逢半紉綺揚俗亦
輕薄靡靡安所砥

戎馬滿四郊大事誰能畢
牲物若不備卜厝待他日
此意過敬慎因循轉同失
家有十四柩孝子最憂怵
出門何所聞城頭吹笳築
衆葬在一朝以此慰作述
明曰堂上翁抱君却置膝
得親自有道誰用戲綵衻
春秋忽六十賀客多高軒
介壽何所云樂哉賢弟昆
一咏必同甘五車每細論
絲竹雖滿耳不如篋共墳
君家椿與津愛敬式一門
盛德傳千載實賴史筆存
我歿非其人作歌語徒繁
不足備採風庶取侑清樽

贈吳仁趾移居

燕雀賀大厦鵲鵲巢深林
如何貧苦士不如此二禽
歲聞移居凄然傷我心
世無臯伯通誰敬梁伯鸞
我非

杜少陵妄想屋千間淒淒復何益隨寓貴心安牽船居岸上泛宅在舟中彼豈非賢哲都無一畝宮況子抱材藝身豈慮長窮

贈馬羊山

嗟予遭亂世壯志苦不伸高陽稱酒徒信陵近婦人耽此二十載雙髯忽如銀不見廣成子中夜涕沾巾涕泣復無益便當訪隱淪先生不我棄榮然啓其唇教我餐妙氣金丹非所珍再拜謝寶訣能延垂死身從茲備採鉛不去青溪濱

江舟次日此首又似太白

壽汪負巖母王太夫人

花開小春候鳥下瑤池中阿母坐絳帳齒尊顏正紅登

堂多上客拜跪禮雍容借問客何人祝詞何太工膝下
孝廉君父若雲隨龍人重孝廉義真有古人風聞蘭如
馮壁前茗似盧仝詩愛輞川人書學九成宮阿母但一
笑酬客酒千鍾

世運有不泰行路有險夷背當多難日是母用智時携
兒逃嘉禾身名幸不虧匪獨身獲全家亦免傾危豈無
偏冠乖盛感靡所之見幾既不蚤狼狽復何辭今日賀
壽母敢忘昔日爲何以頌壽母已婦不足奇鄧曼知天
道臧母備齊師名雖婦女中識勝偉男兒

戊申七言古詩

吳野人歸東澗爲其子娶婦屢月不來江都戲寄

此詩

江頭二月桃花紅野人別我歸安豐自說長男年已大有室方不愧人翁牽羊復擔酒奠鴈早乘龍此事一以畢喜氣滿房櫳新婦入門期已久丈人安坐福誰同三口羹湯雖有味五苦伴侶待相從急須別妻子慎勿學癡聾君不見隴西金在衡娶婦不失城南約事莫大于杯在手兒女安能相束縛却笑高翁錯相料只言無暇共觴酌又不覩金陵盛仲交平生不踐閭中諾迎親須用主人翁主人知坐誰家開歸來大罵任糟糠翁惟一笑意寥廓作事要常法往賢有如野人所爲安可學

二君非見錢虞山列朝詩選
中○汪用次曰意趣橫溢

題程伯建滇南詩

昆明在何處云行萬里遙滇南何所有將軍戰馬驕官
小祿不多胡爲徒自折吾腰日落伏波祠雲橫諸葛紫
兩賢同立漢時勲千秋合受叅軍拜前建自代漢叅軍
家住海陵東捧檄無妨事偶同少年曾爰文丞相遊子
長歌起北風何州前建哭文丞相詩吁嗟乎昔時意氣一何雄

吳野人口誦侯

贈豐城房明府興公

幾年不見髯房面但有書來荷溪脊久思一上滕王閣
聞君已宰豐城縣政聲容易滿江船風吹江水急如箭
飢來驅我學淵明兄事何人如子賤關中房杜舊名家

牛刀小試焉足誇請看龍池三尺劍不數河陽萬樹花
問君安得閒中趣撫字催科兩無誤却笑挽舟何易于
曾是坐滕王文度貞靖先生今有兒蚤仕爲令名同馳
自言臣德不如父清廉惟恐人不知

戊申五言律詩

新居早春

春從迎後暖地覺掃時寬不厭客常至烹茶雪未殘酒
錢仍舊少宅價喜新完薺麥燈前飯同兒且飽餐

對第六女阿宜作

他日誰家婦猶然懷抱中左思真自樂蕭轍固宜窮知
命年將及還山累未終烏生八九子雌定衆子雄

汪州次曰
潘耒之雄

送問旭上人赴曹顧庵學士約同遊浙東

高僧非客鳥學士待同遊只載軍持去鏡湖春水流餌
頃懸斯錫堤愛立驪駒不許西施女仍偕范蠡舟
身披紫綺裘口詠白蘋洲不是曹顏遠誰招湯惠休談
經過古寺懷舊上高樓笑我獨行處隣棧恐易投

賦得梅花送吳賓賢歸東海

五樹映窻紗兩人句亦誇織成機上素曾比鬢邊花影
伴三更月香傳一水涯歸途劇煩惱吹笛是誰家

送汪長玉夜入貢州

日落烏啼亂離羣意惘然東園聞久廢估客滿江邊憶

弟雨風後

持令弟舟次客吉安

吟詩燈燭前船頭魚潑刺今夜定

無眠

九日同曹顧庵學士程穆倩汪長玉夏巖三韓吳

仁趾諸子集家無燂寺寓用重陽登高爲韻

城外雨微濕籬邊僧偶逢登高誰見約設宴有吾宗蟹
味秦郵美花香九月濃不須却望遠雲樹恨千重

作客能爲主從來意興長寓仍住故里雲復露斜陽前

輩誇身健高秋覺酒香哀鴻聲忽至怪爾獨淒涼

秋色祇園滿紅橋吾懶登

天寧禪院去紅橋北近

經寒蜂蝶在嬌

佛草花能脫帽憑風過看更慮歲增陶公逢此日不飲

有誰稱

啼鳥催坐起敗興豈吾曹林暝僧歸舍身寒客問袍秋
令心易感醉覺趾先高更爲黃花慮江風起夜濤
病

參苓初識味坐臥苦攢眉地主勤相問家人遠未知寒
天仍止酒暮景一題詩慣作江湖客從今恐不宜
已識蒼顏瘦何勞明鏡奩藥方開易寫臥榻老難離海
山思攜手樓中待盡看男兒重性命焉敢近庸醫

除夕

白髮蒼顏叟今宵倍憶家孫應騎竹馬婦解頰椒花久
隔阿咸面能無岐下嗟東坡坡下詩多嗟舊歲別行與新歲辭茅齋輸客
舍牆外有紅茶

戊申七言律詩

送王亦退赴泉州幕府

投筆從戎事已非，釣竿輕別舊漁磯。
蛟龍勢到秋江盛，鴻鴈書傳瘴海稀。
聞說將軍優禮數，應知幕府有光輝。
帆開不見論文友，獨返邗關淚滿衣。

得爾止書

故人書信發長干，入夜重須秉燭看。
勸我出門因計拙，聞君弄瓦轉心酸。
作詩易似白居易，行路難如蜀道難。
桃葉渡邊桃葉少，誰家玉樹與芝蘭。

戊申五言絕句

郭門外春望

懶凭攤書几來看過渡船春風與淮水淡蕩老人前
幼孫董兒讀書戲成一絕相嘲

班生所投筆三世手同操陰德吾何有昔聲汝太高
烹茶雪水已盡因憶吳賓賢

掩卷罷吟哦烹茶待客過從來輟蓄積雪水亦無多
泉水遠難取淮流味不同慙慙勸收雪喜負陋軒翁
茉莉曲

茉莉滿離欄炎天當雪看女兒心不足更買貴江蘭
花滿贛州船青樓問少年晚粧須得此莫惜手中錢
戊申七言絕句

汪季用生日

關門幾度負晴春
對宇相過不厭頻
懶見輕裘肥馬者
難逢進士卽詩人

江州次日絕
主友方爾止

海水西頭江水北
醉鄉田地潤如斯
當筵可少能歌女
爲付新成錦瑟詞

宗定九邀同韓醉白飲紅橋酒家各賦四絕

春雨春風花亂開
相思相見且啣盃
却驚買酒陶元亮
二萬錢誰曾餉來

酒家臨水復臨橋
畫舫中吹紫竹簫
破費杖頭拚不管
可憐天氣近花朝

衛娘歌處宜年少
潘岳花邊愧老翁
聽罷韓生新柳詠
英姿矯矯酒人中

濛濛細雨灑棠梨沙路歸來未有泥天下賞心輸此地
客身曾過太行西

戲示九歲孫董兒

戲將霜髯笑苦吟分甘應識老人心久思構宅廬山上
好待他年宗茂深

王仔園招飲齋中賞菊

持螯時節臥江城買酒無錢絕送迎出去看花兼得醉
陶潛深喜有門生

洗兒解嘲

不須溫嶠解相憐愛聽呱聲是老年抱送果然煩孔子
洗兒何必用金錢

過小孤山舟中閱史書

山下魚鴈拍浪還小孤人喚小姑山眼前謬誤猶如此
苦欲緝書不肯閒

遙望彭澤縣

紅霞一抹晚山明鳥倦知還客暗驚不必更過彭澤縣
江流常似古人清

此地何人更勸農不須種秫學詩翁折腰亦是尋常事
肯念村民屋久空

彭澤原來不救貧小兒何苦慢詩人二疏雖足休官者
歸有黃龜與四隣

鄱陽湖作

湖流碧勝江流黃湖口漁家山縣旁欲識客心愁絕處
飄風急雨過鄱陽

鄱陽湖夜泊

蘆荻蕭蕭雨滿湖舟如一葉臥打大經過諸將成功地
老去封侯夢也無

汪舟次口那得盡口不缺

大風雨望廬山不見

戲弄行人乍雨天糝糊雲水故相連廬山對面渾難識
何況迷萊弱水邊

房明府署中偶有白鷺來集于柯招之輒下因以
來鷺名軒徵詩及余口占三絕應之

那用相看到百回一四乍見意悠哉琴堂不是清如水

水鳥如何肯下來

飲啄恩深願不違籠中莫使羽毛稀他時放汝青天去
好伴雙鳬一處飛

我於十月涉風湍訪舊塢知行路難飄泊江湖頭總白
憑君只當鷺鷥看

江舟次日哀怨之音令人破涕爲笑

病

烈風吹罷雪飛揚臥榻吟詩淚數行手足不仁諸事廢
只留雙眼望家鄉

江舟次日不得

病中荅房發公

古方新病不相能
王荅堂累煞臨川湯義仍低手從來
多此輩安心吾擬問禪僧

簡房興公明府

馬裏山茶紅似火霜前柚子大如瓜無錢買種草堂側
辜負曾逢蒲縣花

寺寓苦寒

暮年多病臥江濱古寺天寒雨雪晨却笑名香二十餅
何如二百馬通薪

論詩

論詩不見安公石風韻天然誰解誇紙作牡丹工剪刻
何如堦下刺桐花安公石著顧山詩話作與楊用修論
詩謂論詩如品花牡丹芍藥下連苦
種刺桐皆為天然一種風韻
今之學杜者細牡丹芍藥耳

劍池有感

中夜悲歌望斗牛頻年踪跡似沙鷗手中縱有張華劍
少小英雄今白頭

已酉樂府

君子行

感潛江所見而作

鳳凰備五色衆鳥來相朝虎身文最炳百獸失其驕人
爲物之靈慎勿欺賢豪賢豪雖易欺何以附雲霄鄙哉
蜀中士乃被倡家啗許慈學誠富胡潛技亦高矜已遂
妬彼尋及杖與刀伎求戒百爾謙吉乖六爻此書君所
讀棄之如弁髦

木中有荆棘蟲中有蛇虺此身慎所往彼技徒堪哀寒
如冬雪寒無畏青蠅飛噉如午日噉無慮玄蚊飢子產

鐫刊書叔向且相譏何怪鄉校中紛然多是非古人貴
損怨今人貴作威德音苟不瑕毀譽聽人爲

我歌君子行不與衆人聽衆人亦有耳衆人醉如醒破
格待高賢常使衆人驚舉動不爲語上道蕩且平奈何
師友間拘束無所成孔融與陳紀先定平生交拜紀乃
因羣緣梓益重橋范雲亦復然阿士才固超取友自有
道安足語兒曹魯國無君子子賤亦斗符
之女後乃與偉臣令子含暉
結爲婚姻余聞而美之也

少年行

少年不讀書父兄佩金印子弟乘高車少年不學稼
朝出烏衣巷暮飲青樓下豈知樹上花委地不如蓬
與麻

可憐樓上梯朽爛誰論高與低爾父爾兄歸黃土爾今
獨自立門戶爾亦不辨畝東西爾亦不能學商賈時衰
運去繁華歇年年大水傷禾黍舊時諸哥衣散去知何
所簿吏忽升堂催租聲最怒相傳新使君憐才頗重文
爾曾不識字張口無所云鬻田田不售哭上城東墳昔
日少年今如此地下貴人聞不聞

曹植馬口道心刻骨之言爲痴人罵雖作罵可謂此
語人不早爲慮更何口張翼來口急自笑兄不識手
弟言言聞者是極關切心
賜下知者以爲此篇爲耳

君馬黃

可朱舍種

君馬黃臣馬赤形容各自好眼光長百尺恥遭衆口謗
寧受隨車厄秦牙相馬察馬形九方相馬察馬精已知

斯人難再遇伯樂之兒焉足稱奇文莫恨無知者白雪
陽春和彌寡世上千人與萬人誰看君馬與臣馬

吳野人曰
李杜之間

長相思

長相思在西方岐山之下無鳳凰豈無鳳凰荆棘參天
梧桐死那有竹實可爲糧忍飢那向東南飛歲暮天寒
道路長吁嗟鳳凰身有五色之文章不如鴻鴈多稻粱
淮陰雖乞食後來遇王爲侯王伍員雖乞食復讐可以
見父兄陶潛乞食獨可憐身無官職山園荒長相思淚
千行

吳野人曰
絕似青蓮

前有尊酒行

前有尊酒云胡不醉至誠好客客豈無謂自我止飲於
今數歲亦知其旨輒思其崇夜飲宿室朝死羊肆伯有
汰侈復何足異子旗子良禍亦踵至室之不保酒安可
嗜我非有國我非有位我身雖賤不昏則貴福亦可邀
禍亦可避如何不思自卽顛墜敬仲奔齊飲酒以義晝
夜有節福及後嗣爵不過三廩明之智能使趙盾逃君
之賜我有傳癖卽今伊始彼昏此哲敢忘名字謂我不
達取笑有自人孰不死中心惴惴死亦何傷無爲後議
身之衰矣敢復縱恣過飲成疾一旦委棄行子有孫維
誰之庇

張因恭曰樂府之旨論者多門使但取魏文之
辭文其義既何貴乎作也請其意樂府有一字
不動人流連唱歎者乃知漢心此也

者精神流連不取音聲之意也

已酉五言古詩

房興公明府令弟發公生日

牧羊入金華，昆弟昔同遊。學儒亦有時，辟穀待封侯。久
抱濟世畧，復值高飛秋。燕昭輕千金，難得惟驩驪。豈有
天驥足，常使逐羸牛。昨者識君面，琳琅照雙眸。比更聞
妙論，何其似子孫。骨肉多勸勉，恐貽先人羞。節勞兼寡
慾，長生訣可求。難兄溪相許，謂汝和不流。吉人辭最寡，
學道性所優。旦夕拾青紫，咳唾香九州。功成名就後，携
手歸浮丘。

黃鶴樓紀感

高樓何壯麗，名著江漢間。城中多冠蓋，宴會無時閒。日

暮歌聲起鷗鷺不得眠有酒如澠池有肉如丘山對此
雖快意何物貯朱顏舉手招僊人僊人肯更還

插秧

皇天憫老農霑澤沛前溪曉起集四隣插秧時難稽已
閒床頭甕復烹牆上鷄手力互相助卽此成提攜叢生
數寸苗蕃育等蒿蕪莖弱根不肥拔之出陳泥珍惜頻
顧盼不聞兒女啼分種向何所蓮塘東復西旱潦愼蓄
洩從此勤補畦何時稻鍼水生理各不迷僊者禮最恭
歌者聲漸低客行乍逢此中心正淒淒久別長沮友恒
慙與缺妻

施恩山曰
高士之言

水車謠

日午鼓逢逢歌聲兩岸同不生議皇世用澤諒知豐買
牛苦無錢賣劍羨隣翁呼我婦與子踏車蓮葉果倘足
口中食敢忘足下功比車用何物蜿蜒水上龍能行無
乾土龍臥旱燠燠

自豐城抵潛江與王幼華明府相見

男女豈不好苦遭婚嫁迫買山非所急且欲謝此責我
自擬向平誰當效于頓出門尋故人浩浩江流碧房揖
頗相念偶聚情最懽豐城留不住要作潛江客因茲稍
取喚交疑有疎戚實畏春水生浪頭如山脊今我樂何
如穩坐鳴琴宅布帆已無恙百憂忽暫釋

王茂衍曰情到真
至處語歸自然

相見雖堪喜君如窮苦何寒溫不數語惟言拙催科居

民田爲累虐哉湖與沙

田被湖水沙沒者半

招徠豈無術流亡

日以多災荒須上聞痛哭遭怒訶潑侮攻章句無益費
揣摩一官得有司萬事成蹉跎遭遇苦不齊或泣亦或
歌已笑河陽縣但知種名花復怪榆次令被底放早衙

五十初度呈王幼華明府

百年能幾時荏苒忽已半飄泊在他鄉茲辰增浩嘆稱
觴得故人琴堂開華宴爲我推行年與我增長算勸我
守庚申三彭廖永斷再拜謝厚意垂涕下蒲面我身如
浮雲日月如流電住世亦云久光景非所戀但顧膝下
兒何繇喫飽飯

周伯高曰達處達處
知文人慈愛至性正調

豈無諸名士歟

錢婚既冠自慙老病人胡以酬溪春

楊帆過九江舊蒲買未得

吳野人曰章法更姓

家書來上黨人參

名過實老年需此物庶用靜喘息因循失豫備中心但

懣抑懷中有秘方頗費抄寫力到今未一試安能美眠

食死生雖前定瘠土無佳植如何守薄產自使長荆棘

王烈愛嵇康石髓無吝色三椀侑九轉遠寄自燕軾故

人倘分惠買藥寧論直

昔傳王粲宅曾留峴山旁既堂在何所乃在古維揚

屋自前歲誦讀聲琅琅雖無百尺樓亦有六尺牀

幾兒頗滑淨琴枕生清涼美睡未云足胡爲來遠方

蔡澤逢唐象但問壽短長吾年滯五十從此無悲傷困乏慾坐

食焉得辭踰踰少助祭祀早晚覓歸航

張翥恭自謂五十初度三首是天
地間大文章不可當作詩讀過

憶昔篇寄示燕穀儀三子

憶昔爲童子神清嗜好寡亦未戲鳩車亦未乘竹馬八
歲背吾母出入哭聲啞九歲拜塾師端坐書屋下十歲
到江都趨庭意瀟灑頗笑玉川兒九十九須打上樹非
所能漸欲談風雅早應秀才試未時文並寫驚倒楊僕
射愛玩久不舍是時年十五老蒼曾許把倏忽二十餘
海水桑田滄射獵愛秋冬絃誦罷春夏國變父亦歿萬
事裂如瓦中夜淚浪浪匪虎率嘯野依人竟多年頭顱
可知也傳經愧劉向擊鮮羨陸賈孀婦愛右軍安敢望

公冶萬慮滿一朝自知非達者只今老復病想人自運
社平生一酒徒屢月不持竿已實未易逢誰辨藥真假
何時疾竟除種菱水沒蹠追昔作此篇愁緒遭牽惹遠
示兒輩知性命無苟且尚以七尺軀自造萬間厦

寓樓雜詩

僊人愛樓居而况老腐儒樓居有何好可以讀我書不
坐新豐店不釣淮陰魚安飽賴故人舍此復焉如
男兒生世間他事無所求不買千間厦亦建三層樓厦
以庇寒士樓以望神州此志今已矣三嘆不能休

三月次日
真古詩

作客厭朝眠樓高天易曙欄杆立飢鳥不忍打教去觀

物因自悲，依人成相。恕田間水，瀰瀰求食。爾何處？

張解恭曰：極其仁恕。
周伯西曰：此篇尤古。

叩門聲，刺啄此邦多佳士。過從無晨夕，討論先經史。相如客臨邛，作事亦可恥。吾當師子雲，得酒心歡喜。

黑貂初脫體，黃鵬正饒舌。晴夜見飛蚊，便來乘微熱。寓樓非真宅，不久須遠別。仍如中風走，豈爲西日烈？

楚騷氣不平，楚歌聲不歡。楚天四時雨，楚水浩漫漫。潛

江復何如？居人餬口難。救汝有賢令，汝勿常悲酸。

村居近湖水，大半化魚鱉。山中復難住，豺虎肆饕餮。我

行歷四方，對此但哽咽。長飢已多幸，歸與妻兒說。

怪風勢拔屋，梁塵墜滿案。呼童急收書，已愁細帙亂。此

時江湖裏危舟誰相看微俸歸平土慎無忘大難

王幼菲明府署中送令弟竺來歸里應試

美人對明鏡常自惜韶華志士亦復然挾策走風沙忽

見柳垂絲便恐槐有花

古詩槐花黃中子也

兄弟止三人懷願各

無涯大兄有異政小弟恥思家自顧七尺軀尚坐鸛栖

車仰天常大笑蓬蒿苦交加歸去趨庭日應知樂事奢

一着高堂綵又聽上林鴉桂香滿雙手請向老親誇

朱偉臣招同劉聲玉幹有莫大岸飲編柳堂偉臣

令子含暉聲玉令子展匡俱在明日偉臣次子寓

樓雜詩八首韻見示予亦仍前韻奉酬

我昔讀魏志頗愛衛伯儒既負經濟畧復工篆隸書今

日逢醉飽貴且辨碧魚請看坐上人博雅誰得如

壓酒請殺牛此外何所求但願賢主人流杪起書樓長

對王齊萬幘識韓荆州傾家須取樂百歲等浮休

苦樂迭相遭有如昏與曙鄧侯挽不來謝令推不去自

古已如斯歌謠無平恕談虎色皆變莫話傷心處

貧困何足道願友天下士韓賴遇雖窮豈不勝腐史君

勿罪磨鵠使我增潑恥可笑高季迪作文浪驚書

文則故非始承有茲示子舊有三磨鵠圖歌偉臣來詩云爲何一磨鵠今古同奇士所以昔傳人覽揆哉信

中窮通祗一轍度婦亦可恥

芬如野蔓葛不離曹公舌溫如鍾山玉不畏爐炭熱諸

君經憂患與此竟無別得酒且須醉酒味况清烈

日日成賓主時時異悲歡念我失學兒相望路漫漫郎
君年雖大置膝竟不難君知食蔗甜焉知食梅酸

飲亦可名巢飲亦可名鑒但恨口腹人使人譏養貧何
如文字飲悲歌雜鳴咽偶然及世事賢侯共稱說

誦君笠莊詩云有讀書案昨傳龍過處案碎尤亦亂君

意獨愛民置此眼不看乃知禹稷心與人同忠難來詩

彭傳面龍過案目不敢有自腹起麥秋忍使講屯難日
居云恩龍也○曹鶴海曰前後人章湛隱趙姚廣所風
惟宗工矣○周伯齊曰前商後八首正風也皆寓懷入
首變雅也至古甘性成念老念淡實出一轍後人百更

得

哭吳後莊

鄙人氣漸衰作客多憂虞百年會易盡異鄉不可居良

友歿已久念之增嗟吁歿乃長已矣生亦太相疎闊首
十年內論文只斯須定交豈不早會合實難聞江中既
有舟塵中復有車先王設二物遠人謂可俱飄零成契
闊作事我何愚

汪舟次日前車作
波奇絕得未曾有

期期復艾艾陶陶復陽陽斯人如在眼鬼物最可傷平
生羈柙地蕪陰及維揚經過舊酒壚使我淚浪浪賦詩
采石磯意氣何慨慷再拜李先生自陳小子狂焉知身
蚤歿追隨先生旁我亦性放蕩禮法非所長同調日以
稀齟齬難相當獨行市井中取笑市井郎

陳徐化異物魏文最於已慨焉取遺文都撰爲一集此
意誠可感盛名亦並立省君名與字莊周爲模則死生

付度外於斯誰汲汲况是山中人諸侯不相識王生敦

右道

幼華明府新爲刻
豐溪草堂遺集

一字費拮拾衣章陶謝體流傳

屈宋國恨爾竟無知夜臺長冥默

張祥琴曰
蘇軾題言亦其間中

外而肆

戲贈莫大岸

歲星稱小兒詠遠固多端家中有名士相知乃更難銀
亦何堪嗜棊亦何足彈丈夫貴快意焉能顧旁觀莫老
吾所敬頭白體更孱八十日彭澤歸來門常關雖然少
賓客亦復多往還博徒四五人晝夜聞叫誰一日不作
樂愁思劇尋環梟盧呼不出口唇燥且乾家無鴻寶書
安得鑄金丹已輸壁上琴復及身上絢今日猶自可明

日天大寒牽驢出廐中指與博徒看龐然一大物不畏
路險艱蹇驢如有知鳴聲帶悲酸此事誠可笑復可發
哀嘆我志與君異百金買小鬟但能效楊褒何必學謝
安折腳三足床上臥鳳與鸞琵琶夜根根槽邏皆秘檀
客至便共飲客去成獨歎飲酒惟飲醉貴使助朱顏
日醉不醒十年味猶完劉毅徒豪舉信陵請仰攀楊褒家甚貧然好音樂素蓄奇妓數人歐陽公嘗之詩有三卿木床坐調曲之句何元劉詩羅同夏習真成陋味傾楊褒亦太寒吳野人曰狀吳老與自求可謂盡致然即似小陵不似元自以氣原故也口王茂衍曰胸中各有奇意借題

新出

答東人遠問

經歲涉江湖曾無救寒餓天命本如斯故人寧有過既

來不速去高樓成穩坐相責畏家人問客何所作譬如
馬久疲暫當解鞍歇答已還自笑身輕竅負荷

施愚山
日客遊

讀此可
清態尤

題陳侯祠呈莫翁蘆峰

有序

莫翁蘆峰名若玉年已七十矣以應試之文受知于
邑侯陳則童子時事也一日之知而終身不能忘于
心乃爲立祠堂于郊居之左歲時率子弟拜跪供祭
祀又慮祠久而或毀也于祠內更建文昌閣庶幾邑
人士有敬神而因及侯者慮甚周以遠也且翁家故
貧一瓦一木破產而後成之有足感者陳諱夢琬字
充孟宣城人壬戌進士筮仕潛江甲子分考楚闈所

取皆知名士夏君雲鼎爲首丙寅擢吏部郎靖難間
有陳尚書迪者成祖欲降之不屈斷舌嘆血罵不止
以死卽公先世也壬戌閨中聞公卷者方躊躇取舍
夜夢偉人肅謁不能言但張吻而已似有求者數夜
皆然閱者賀公逢聖疑之遂取公卷中式出閨徧詢
諸門生公言先世狀賀公驚嘆傳其事余獨以爲忠
義之靈豈知富貴爲何物不應如世所傳瑣瑣愛其
後人乃自屈下如此豈別有物焉憑之耶丁次章箴
闢此指川抒景仰亦莫翁所樂聞也

帝殯惠亦微感激固難已鄙哉越石父責備在知已陳
侯有祠堂乃自莫翁始無以酬知遇終身肅拜跪此意

勝王商但厚嚴與李

商為嚴子

嚴李雖鄉賢鄉賢寧

止此子雲與文翁如何闕祭祀至于知我者德與生我
比誰能敦古道一使薄夫恥莫翁誼誠篤陳公名益美
吾不慕陳公慕公門下上翁夙抱奇志腹中富文史使
其早登朝樹立見風軌蹉跎及暮景遭逢記童子驥老
最可傷上貧亦常耳

昔當成祖時靖難事忍論矯矯陳尚書烈烈光星辰罵
骨不絕口舌斷義乃伸誰暇慮苗裔一死成吾仁皇天
吞忠義食報在後人科第尋常事公然勞鬼神未必公
之靈區區私所親王司異冬烘得失乃有因明日諸門
生附會到傳聞疑惑張吻者必是嘔血臣正氣竊所仰

誕罔竊所嘆作詩掃雲霧庶用表嶙峋

苦熱行兼呈王幼華明府

高閣坐朱夏炎方近祝融此地難爲客此日苦思冬行

天類九陽望遠億三巘

三巘山片射落九日處

阻隔陽臺雨艱難

舞雩風不見采蓮女無復披裘翁如何學穉穢未得送

疎慵揮汗登初筵作禮稱寓公諒非河朔飲詎追南皮

踪香噴燒鷄擲酒快酌新豐飲食增煩促能不怕飄蓬

故人贈廣葛其薄勝輕容製成十日餘裁之篋笥中豈

不重高義披服待相從短宵寢易廢遠道書難封書扇

對秦女涼枕俟黃童婦賢兄更孝愁絕火輪紅

斯蛇

側記所見

物生各有地，靳蛇功足採。風邪賴驅除，三豎失所在。仕宦來此鄉，需索苦相迫。償遺徧親知，竟以抵貨賄。徵求始何人，常例永難改。吁嗟州大夫，奉命罔敢怠。靳民因求汝，全家遭飢餓。供應緩須臾，鞭笞及其腿。蛇功亦甚微，誰能誅蛇罪。種類何時絕，民命免危殆。昔聞虞士恭，爲郡著風采。蛇雖有益，放去心無悔。斯人，世久無我。欲咎真宰蛇，種何足怨。官吏皆自効。

九江舍舟登岸行廬山道中，用王介甫舟中望九華山韵句，如其數。

平生性所樂，山水兩難兼。盡中見虬龍，手畏摸其髯。偶然涉江湖，遠隨估客鹽。私喜微天幸，風起但微纖。巨艇

豈不穩行必傍蒼萊視如穆王舟恐是膠所黏柁工豈
不敏勇進無退謙恨無谷利刀拔出驚窺覘洞庭間咫
尺訪舊止於泝泝音泝意外逢水患衣上淚恒沾天心本
仁愛不久波仍恬返棹抵九江身如脫囚鉗是時六月
終赫然日正炎縱起見陽烏便思對夜蟾有路莫登舟
俗語勝龜占况行廬山下得句於新拈山路已不惡幽
興忽重添瘦者爲松柏大者爲榎栢危者爲石徑矮者
爲僧簾拂塵坐茅店幸不對鏡奩驚心來驛馬脊骨何
太尖驛遞撥深山使我增憂悵喧喧接冠蓋道旁跪蒼
黔勝地有通衢利名靡不漸不信昔時人藏身過謹嚴
或言最高處塵不到細緼策蹇近虎溪往蹟猛前瞻橋

邊紛興馬無乃虎性兼看碑東林寺脩途只暫淹緬懷
十八公復望酒家帘五七峰何處飛瀑掛水簾避暑宜
投此恐取山神嫌奔走吾可笑如食苦不饜歸見正仲
子稱述差咄咄江舟大是處既非仕進者施設救問闕
無意伴樵父磨斧較鈍鋸復買販魚賣船堆鱸與鮓皇
皇趁時價爲可吝吝鬻人山成虛歸俗病誰能祛遣興
無他物因之口難緘吳野人曰詩中

分市詩題曰